

民國二十五年七月重版

湘西苗族考察紀要

附湘西苗民文化
經濟建設方案

永綏石宏規著

536.26
350
2

湘西苗族考察紀要目錄

- 一 序言
- 二 苗字之意義及苗族古時之發明
- 三 苗族之南遷
- 四 苗族之區域及人口
- 五 苗族之種類及語言
- 六 苗族之生活及職業
- 七 苗族之婚喪及服飾
- 八 苗族之技擊及醫藥
- 九 苗族之政治及教育

湘西苗族考察紀要 目錄

A 210323

~~03124~~



十 苗族之鬼神及娛樂

十一 苗鄉之景物及氣候

十二 清季乾嘉間苗變之始末

十三 結論

十四 附湘西苗民文化經濟建設方案

序一

苗爲中國最古民族自渡江南遷伏處於深山密林之中史闕不書民國肇造號稱五族苗亦未與然證諸事實以及野乘記載遺老傳聞種界之爭未盡泯息吾湘鳳乾等有屯七縣原屬苗疆固班班可考際茲中外溝通世躋大同部落之思非時所宜而種界未消國界未滅以前凡秉國鈞一夫不獲應引爲國羞焉能獨使苗族置之於不論不議之列而不爲之所禍患之來苗漢同病吾友愛三石君深韙其言適同中央研究院凌君純聲有考察苗疆之舉予以政務在躬未克同行旣歸愛三以筆記相饗苗疆情形粗備規模此記之作藉可促世人之注意然必本所得取其長而補其短以謀漢苗之同化永消無益之界爭更進而推之滿蒙回藏無不共存共榮同登仁宇考察之記庶非詞費顧

湘西苗族考察紀要 序

而樂之是爲序周紹南謹識

序二

余束髮受書習聞古人立言之難及長而奔走四方更覺言行之非易試觀當世所謂歷抵山川搜討文獻旁羅古今得失斟酌損益兼綜條貫者流要不過費盈尺之楮徒託空言究何補於國計民生况當此新舊替嬗之際主於舊者深閉固拒尊己抑人事變之來茫昧昏朦束手失計主於新者不察中國之情民族之特性又復趨巧立異舍己從人幾曾見坐言起行謀所以合族禦侮救亡圖存者耶石子愛三生長巖疆處新舊之交不爲固閉趨巧之行目睹國家顛危民族分崩輒隱憂於心幼時卽以同化漢苗爲己任其宏謀遠智早已膾炙識者之口今梓其湘西苗族考察記一書洵爲留心世務之作其有助於國家治理民族團結豈有涯乎景仰之餘勉言弁首朱昭觀序

湘西苗族考察紀要

序

序三

古人謂多讀書多行路而後能爲文章斯誠不刊之論矣夫讀書不多則識見平庸行路不遠則閱歷不廣不足以發揚其志氣此近今遊記之作多於牛毛攷其內容無非描寫山林風景感慨陳蹟鋪張揚厲詞藻繁華能求其有益於社會民生之用者則不多觀石君愛三積學士也民十四畢業於湖北大學歸時余攝篆永綏以吳君季尊之介紹曾一度會晤見其舉止持重卽心儀其人許爲有爲人也至後愛三奔走黨務余則病閒於家不得見者六七年年來爲兒輩學費所驅客於鳳凰得與愛三朝夕相處情感莫逆蓋天假之緣歟今夏考察苗族余因病未得同行然余生於保靖又曾歷知乾城永綏縣事對於苗族風俗雖語焉不詳嘗旣聞之愆愛三分類詳記稿成示余余細閱之但覺其

事事物物皆所詳悉尤爲皆所欲言何愛三獨能言之詳且盡也益徵其平日好學深思旣得親身閱歷而成文章亦自不覺其言之足以動人之深感人之一切有如是也夫豈偶然哉願有志研究社會民族之士勿作遊記小說觀之以負愛三之苦心云保靖縣龔聚奎叙於五算

序四

負昂藏七尺進不能有所豎立退不能巖棲谷飲溷姓名於不仕不隱間爲鄉黨所譏行自慚也連年衣食奔走學業日落而猶一腔怨憤恥不得及時有爲又重自悲也永綏同學石君愛三有志之士也十年革命從不稍餒得志則振作有爲事蹟昭然閒散則努力著述發爲正論一時盛名風動沅澧今夏偕余隨中央研究院考察湘西苗族專員凌君純聲周行苗疆民間疾苦風俗景物均有所得余夙有志紀錄因事未果而石君竟先予而作也石君命叙於余余閱讀一過見其條舉目張旣周且詳誠可爲後之研究苗族者之一助故余樂而爲之敘焉民國二十二年十月麻陽左執中叙於五筭

湘西苗族考察紀要

序

序五

歐風東漸淺者襲取皮毛規規然惟婚姻服食宮室器用之是仿而於外人所經意之民族習性有關於國家治亂社會安危者轉漠然置之嗚呼買櫝還珠其可謂之善變者耶縣人石君愛三幼同執業且有邢譚之雅相劇既久相知特深愛三嘗以苗俗强悍喜盜兵戈思一覘其謠俗之好惡籌所以撫循安輯之法事牽不果去夏中央研究院命凌委員純聲來湘從事於苗族之考察愛三聞而躍然曰余願茲得償也乃與凌君徧遊鳳凰乾城永綏諸苗峯歸而記其所得名曰湘西苗族考察記出以示余余既受而讀之也竊以吾國近二十年來內部民族舉喬諸蠢動外蒙滿洲既告獨立內蒙亦要求自治最近如新疆之回亂藏番之內侵皆爲五族共和之反感使當時國人悉滿蒙回藏諸族

之習性因勢利導羈縻有方或不致演成今日分崩之局也惟苗亦然聚族而居人口不下百萬苟狡焉者起而煽亂則西南一隅其盱食矣愛三獨能兢兢於此筆之於書以警國人蘇氏子由曰爲學不志其大雖多而何爲愛三此作可謂能志其大學外人而得其驪珠者歟余嘉愛三之志行且念斯作之有關國故故樂爲之序云民國二十三年正月永綏楊棟宇序於五筭

序六

苗族爲中國最古之主人舉世莫不知之知之而輕賤之未與並名於五族之列者寧非以文化遲滯智識孤陋也歟然卒克競存於優勝劣敗劇烈之世徧安西南一隅不遽淪沒漸盡又何莫非男女强悍習尙勤勞天然團結有以致之耶我中國之於世界號稱古國亦猶苗族之號爲中國古主人也值茲虎視鷹隣國難方殷欲救亡而圖存非國內各民族互相提携一致團結終不免亡國滅種之慘痛石君斯記誠有心世道之作諸君子叙之已詳余不操觚十年於茲矣特羨其事物之詳辭意之深非遊記戲作所比用贅數言以續諸君子之後而伸景慕之忱云民國二十三年夏月永綏吳子雍識於鳳凰

湘西苗族考察紀要

序

重版自序

余年少肄業常德湖南省立第二師範同學輩以余籍永綏姓氏石咸驚疑爲苗族課餘輒就詢苗疆事余不之諱且津津樂道之及長負笈湖北省立文科大學外省人士從未一睹苗民羣相爭詢余告之不改舊態蓋欲促其注意而博其同情也二十三年夏奉命官乾城四方交遊以乾城爲苗疆中心函詢苗民狀況日必數起時值荒亂政務叢脞未遑作答因梓二十二年湘西苗族考察記以報之今夏主席何公芸樵於肅清匪共之後積極從事湘西建設特以苗民僻處邊遠文化經濟在在落後亟謀所以改進之方電令約同苗疆正紳來省籌議風行草偃各方尤爲重視問詢者絡繹不絕舌敝唇焦難述概要而曩刊之考察記已無一存故重梓之並將此次所草之湘西苗民文化經濟建

設計劃附刊於後希有志改進苗族者本濟弱扶傾之義坐言起行俾苗族日
進文明同躋平等是乃區區之意耳中華民國二十五年夏永綏石宏規叙於
星沙客次

湘西苗族考察紀要

一 弁言

余家世居永綏，與苗族相距不一里，關於苗族之生活；習慣，風俗，語言，理應洞悉；惟自幼入塾就傅，鮮有接近機會，稍長復負笈外遊，相去益遠。十七年倦遊歸來，有志從事苗族之攷察，且進而求實現總理國內民族一律平等之主張，卒因事牽，願莫之遂。今夏中央研究院特派考察湘西苗族專員凌純聲，研究員芮逸夫，助理員勇士衡，前來攷察，相約結伴偕往，欣然從之。計自六月四日由鳳凰出發，道經廖家橋，樂豪，雅拉營，鳳凰營，岩板橋，老洞，石灰窰，總兵營，大馬，烏巢河，新寨，斗沙，龍角洞，鴨堡寨，隆朋，科甲，大龍洞

，高岩河，岩尾坡，大新寨，矮寨，平浪，鎮溪，鴉溪，乾城，彎溪，算子坪，三拱橋，得勝營，清溪哨，黃土坳，奇梁橋，而返原地。途行九日，休息於新寨與乾城亦九日。同行者，除凌芮勇三人外，尙有新編陸軍第三十四師獨立旅副旅長戴季韜，湘西屯政處副處長熊子霖，鳳凰縣政府秘書王悅岩，鳳乾綏三縣邊境綏靖處副處長唐文儒，鳳凰縣苗族代表吳文祥，乾城苗族代表石岩山，永綏苗族代表龍麟章，及苗疆各縣士紳左唯一，陳少難，陳子光，陳蔭生，田人文，劉組平諸君。茲將考察所得，撮要紀之：

二 苗字之意義及苗族古時之發明

漢族入主華夏，龐然自尊，自謂爲神明之胄，而於異族，恆以夷狄蠻貊獫狁獠狃猺獠獯稱之，不指其好亂逞兵，卽目爲蠢如犬豕。獨於苗族

則不然；世傳苗族爲槃瓠子孫，或謂爲黃帝曾孫卞明之後，究竟苗與漢，係同一祖先抑係別種，實不可考，姑置不論。然按說文草生於田穀曰苗，又云植物初生亦曰苗，則以苗字名族之義，實顯示其民族躬耕力田，以農業爲生活之根本，並無鄙視及階級畛域之見存乎其間！今人昧於古義，常以苗字譏人，而苗族亦以爲不美之名，諱莫如深，吁，何其謬也。苗族乃中國之主人，世界最古之民族，洪荒之世，披荆斬棘，以啓山林，實大有功於中國，今僅就其發明試略言之：中國農業稼穡，其始發明者，載籍盛稱神農，然實與苗族有莫大之關係。蓋苗族爲中國之原始民族，其原始生活，亦爲農業生活。漢族來自中亞細亞，沿黃河而東，其生活純恃遊牧，與今之蒙古民族相類，後因代出明君，漸向東侵，遂因氣候環境之關係，由遊牧進而業農，其農

具及耕種之方，全係取法於苗族而加以改良，漢族誇大喜功，掠苗人之美而爲己之發明，湮沒至今，無人道及，此其有功於中國者一也。中國古代，戰爭之器，皆極拙劣，及蚩尤興，乃有利器，史稱蚩尤好亂喜功，作刀戟大弩。又山海經云：『蚩尤作兵伐黃帝。』管子地數篇云：『蚩尤受金作兵。』由上觀之，則刀戟大弩兵皆作自蚩尤，又史記五帝紀正義引龍魚河圖曰：『蚩尤兄弟八十一人，皆銅頭鐵額。』使蚩尤而果銅頭鐵額也，黃帝安能擒而殺之。意其時，蚩尤必戴甲冑，而我族因未見此物，驟見蚩尤之甲冑，遂疑其銅頭鐵額也。洎乎蚩尤敗亡，此等武器歸於我族，我族遂亦能仿造以爲後日戰爭之利器，此其有功於中國者二也。上古之世，吾族之教重術數，苗族之教重鬼神，楚語曰：『少皞之衰，九黎亂德。』（按九黎蚩尤皆屬苗族）民

苗雜糅，不可方物。夫人作享，家爲巫史，無有要質，民匱於祀。蓋當時苗族以奉神信巫爲其教義，而吾族因重術數，而輕鬼神，故嘗思撲滅其教義。呂氏春秋召類篇云：『堯戰於丹水之浦，以服南蠻，舜却苗民，更易其俗，禹攻曹魏，屈鶩有扈以行其教。』蓋欲更易其俗而從吾族之教也。然虞夏以前，吾族先哲不信鬼神，及周以降，則術數與鬼神並重。夫迷信神道，由今觀之，固不足取，然在上古之世，民無智識，藉之以勸善儆惡，未嘗無所裨焉，此其有功於中國者三也。苗族之在中國既有此三大功，吾人豈可食其惠而鄙視之訾議之，而苗裔之子孫，又豈可不自尊其祖重其族，甘效數典而忘其祖乎？

三 苗族之南遷

苗族初居黃河沿岸，其勢甚盛，迨漢族由帕米爾高原東徙，逐之而據

其地，史稱：「黃帝戰蚩尤於涿鹿之野，舜竄三苗於三危。」該族力不能敵，乃由抵抗而屈服。故虞書有云：「舞干羽於兩階，七旬有苗格。」自斯以還，苗族南遷。史載：「周宣王二年荆楚蠻叛，王命方叔討平之。」按荆楚即今湘鄂皖贛諸省也。吳起曰：「三苗之國，左洞庭而右彭蠡。」洞庭彭蠡，亦爲荆楚之地，即當時苗蠻之混合場也。又漢武帝時，武陵五溪諸蠻迭叛，帝命劉尚馬援先後討之。按武陵五溪，今之常桃以上及黔東各縣也。故自周以後，苗族由洞庭彭蠡間，復分竄而入湘西廣西雲貴及蜀之東南。今湘西苗人酬儺演戲唱其神之出路，係由桃源縣之桃源洞爲出發點，中經新店，界亭，馬底，辰陽諸驛而達於酬神之家，足徵湘黔之苗，古時胥由武陵而來，益徵今日之苗，昔時統稱曰蠻，然言蠻實可以概苗，言苗未足以概蠻也。東

漢而後，苗漢相安，史少記載，直至明季，苗亂始萌，至清乾嘉而禍益烈，始則苗人受制於蠻，繼則離蠻而獨樹一幟，苗族之分，自明始矣。


四 苗族之區域及人口


苗族南遷之地，上文已詳言之，此間所指之區域，係以此次考察者爲限，卽鳳凰，乾城，永綏，古丈，保靖五縣是也。此五縣位處湘西邊陲，東接瀘沅，西界黔蜀，南連辰麻，北毗永龍，山水險阻，素爲苗族負嶠之區，總計面積約四萬方里，苗族棲息之地半之，人口約六十萬，（按湖南省民國二十一年人口統計上列五縣共計人口五十五萬二千七百九十三人苗族則佔三分之一而強附五縣苗漢分布簡明圖於後）以此推之，苗族散居滇桂黔等省者爲數當不少也，五縣中苗族之最多

而最兇悍者，首爲永綏鳳凰，次爲乾城保靖，至古丈則苗僅佔一隅，爲數不及二萬耳。

鳳乾綏古保五縣漢苗分布區域略圖

區區
漢苗
示示
直橫





五 苗族之種類及語言

苗族避處西南林谷，自成風尚，鮮與外族往還，而中國政治，向以漢人私入苗地懸爲厲禁。有明以前，苗族內幕，罕有知者，清季乾嘉後，此禁稍弛，惜國人漠視。記載不詳，以致對於苗族，僅以其所尚衣帶首帕之色，而別之曰紅苗，青苗，花苗，白苗等名稱，然其生理上是否有別，未可知也。其語言，咿啞鳩舌，亘古不變，但該族散處各地，語音亦各有不同，古無之物，如茶烟槍礮火柴煤油之類，仍採漢音，其捲舌重濁，今猶昔也。茲擇其普通基本語言，分類逐譯於左，并附苗歌一首於後。

1. 衣帽類 單衣曰窩鴨，夾衣曰窩夾，棉衣曰窩機爐，青衣曰窩貌，藍衣曰窩撲，長棉衣曰窩機爐斗，短棉衣曰窩機爐類，帽子曰果帽

，鞋子曰硝配，靴子曰水靴，裹脚曰果處，衣領曰果朵，袴子曰及苟。

2. 動植鑛物類 馬曰大美，牛曰大欲，羊曰大容，鷄曰大戒，犬曰大規，豬曰大琶，猴子曰大難，蛇曰大能，狼曰大交，魚曰大謀，虎曰大脚，鵝曰奴恩，鴨曰奴索，竹曰個老，桃曰被怪，梨曰被茶，李曰被李，柿曰被蠻，栗曰被若，豆曰比怒，谷曰李白，包谷曰波若，麥曰高目。稻草曰枷濃，銅曰銅，鐵曰卵，金曰格，銀曰恩，錫曰練。

3. 身體類 身曰禾丟，頭曰破卑，面曰靠巴，眼曰撈界，耳曰懂謬，鼻曰巴留，口曰加卵，頸曰鬆空，肩曰膊際，手曰過頭，腹曰過遞，舌曰過面，齒曰過鮮，髮曰過篋，背曰嘴柱，股曰架布，脚板曰

板糯，脚趾曰被大糯，人高曰繕乃，短曰啞，貌美曰生如，貌劣曰身佳。

4. 數目類 一曰阿，二曰偶，三曰補，四曰彼，五曰罷，六曰左，七曰中，八曰億，九月脚，十曰谷，百曰阿擺，千曰阿串，萬曰阿萬。

5. 器物內 背籠曰果箕，箱曰果袋，鼓曰果儂，鑼曰果金，鎖曰果索，戩曰且恩，秤曰告且，烏銃曰礮，刀曰果滕，柴曰果奪，一盃曰阿者，升曰果響，斗曰果斗，杯曰阿杯，盃曰果嘴，號曰喇叭，書曰頭，桌曰記北，椅曰阿構，罐曰果矮，竈曰阿竈，鍋曰阿完，三脚曰阿扛，筷子曰阿走，鍋鏟曰假勞，面盆曰白渣美，脚盆曰阿本渣糯，帕子曰尙美，鹽曰糾，油曰線，茶油曰線務，桐油曰線頭油。

，小米曰槽儂，糯米曰槽糯，粘米曰槽渣。

6. 稱呼類 祖父曰阿譜，祖母曰阿躬，父曰阿爸，母曰阿孃，(米)伯父曰阿嶺，叔父曰阿么，兄曰阿那，弟曰代溝，姐曰阿雅，妹曰阿溝，子曰代咨，女曰代帕，姑曰阿猛，姨曰能龍，外公曰阿打，外婆曰阿大，舅曰阿敬，媳曰能，孫曰枷，夫曰抱，妻曰琶，親家曰巴注，客人曰果乍，苗人曰果雄，大官曰猛貴，小官曰得貴，兵曰邁，當兵曰出邁。

7. 自然界類 天曰大霸，地曰大豆，日曰奈，月曰納，雲曰甲度，風曰箕，雨曰龍，雪曰培，火曰必斗，水曰務，天晴曰如內，天雨曰達龍，天晚曰茫內，天明曰們。

8. 飲食起居及通常語 吃飯曰隴利，吃菜曰隴東有，早餐曰隴利朝，

中餐曰嚨利徒，晚餐曰嚨利莽，飲酒曰呼酒，飲茶曰呼已，吸煙曰呼煙，睡覺曰保目，起來曰銷孟，大曰遼，小曰削，哭曰研，笑曰遭，看見曰在目，講話曰佈睹，解小便曰格茶，解大便曰格枷，肥曰脹，瘦曰瘠，洗澡曰故務，讀書曰透頭，上山曰扭揉，趕場曰趕場，冷曰攏，熱曰硝，欠債曰該降，還債曰畢降，公道曰佈理，不公道曰屈佈理，是曰甯，不是曰幾甯，坐曰仲，起曰銷，嫁女曰送代帕，完婚曰堂帕，有喪曰達內，葬人曰涼內，祭祀曰楚肱，殺人曰打乃，打人曰搏乃，耕田曰疏那，犁土曰疏鹵，問路曰內乃溝，知曰矮，不知曰屈矮，多謝曰幾靠。

以上所譯，乃本鳳乾綏三縣之苗語，雖各地音調略有區別，然於動物則以大字冠之，稱呼則以阿字冠之，名物則以果阿窩被等字冠之

，則皆相同，且其音或義，多與漢語相類者，究不知苗學漢，抑漢學苗耶。

賀接親苗歌

散膽蕊紐部當出，底舍底研囊後天！啞嘴多蕊怕大冗，二層多蘭丟莽了，不挑奈膽作東出，囊冗多丟九連寶，金花多蕊銀花紅，天成佳偶同到老。有緣沙多龍配鳳，白虎青龍沙的搏，囊碑總當缸買封，補仙老豆發告老。

漢譯

良辰吉日結了婚，歡天喜地樂融融！一賀嬌妻如龍美，二慶嘉賓滿座中，好比旭日東方湧，龍獲至寶喜無窮！金花銀花交輝映，佳偶天成偕老終。有緣才得龍配鳳，白虎必須合青龍，神仙下凡賜吉語，坐看

他年受朝封。

六 苗族之生活及職業

苗族初竄湘西，多居山峒，故有峒苗之稱，嗣後結草爲廬，以蔽風雨。今也貧者仍如其舊，富者大廈崇垣，聳以碉樓，惟不喜開窗，以致室內暗黑，空氣阻滯，宅之左右，或設火床，高二三尺，長寬不一，宛如大榻，中設火爐，炊爨坐臥其上，正堂無神龕，相傳火牀上之柱下，卽爲其祖先所在地，忌客坐之，室內多無間壁，翁姊子婦兄弟妯娌羣處不避。登其堂，則一目了然，牛馬豬羊叢棲一室，污穢不堪。其所衣者，純爲布質，由棉自紡而自織者，間用土絹，實居少數，至於舶來品，未嘗見焉。

其所食者，多包穀，蕎麥，番薯，豆類等雜糧，米則市之，大賓至，

則宰牛羊猪以享之，每塊大至二三兩，除油鹽外，則無香料，漢人食之，鮮能下咽，彼輩酣飲大嚼，饒有味也。其職業，百分九十九業農，田則種稻，山野則斬其榛蕪，火焚後，再行開墾，播以雜糧，所謂刀耕火種是也。邇來生齒日繁，峭壁懸崖，墾闢殆盡，終歲胼手胝足，猶不免於飢寒，誠可憫也。男婦赤足裹頭，俱勤耕作，腰繫火鏈，背負竹籠，不畏雨雪，不避風霜，披星戴月，備極勞苦，雖竹木鐵石等匠作，亦自任之。苗境內，山巒重疊，交通不便，無大市集，常於適中之地，定期交易，名曰趕場，日期爲一六，二七，三八，四九，五十不等，各隨其場之便，而定每五日一場。屆期男女各携其所出之品，如米糧家畜布疋花帶斗笠農具等出售，而易鹽及所需之物以歸，場之大而較繁盛者，爲鳳凰之得勝營，算子坪，雞堡寨，鴉拉營，乾

城之大興寨，永綏之衛城，龍潭，麻栗場等處，其他無足述也。苗人樸質無文，不尙虛浮，勤勞節儉，乃其美德；好訟仇殺，爲其惡習；非交易不入市，非訴訟不進城，甚有終身未離鄉井數十里者，其保守頑強，安土重遷，可知也。

七 苗族之婚喪及服飾

苗族婚姻，極爲自由，古無同姓不婚之嫌，歸化後，此風漸息。今其嫁娶亦由父母主持，媒妁相通，酒肉以爲聘禮，嫁之日，轎馬鼓吹，儼同漢禮。貧者新婦自擎雨傘步行，兄弟親屬負衾枕送之，迄抵夫家，無合盞花燭之儀，無祭祖謁親之禮。往賀者，各携酒肉匾對或土產以進，酒酣耳熱，互唱苗歌，以示賀意，新郎之親族，必各招待酒食一餐，謂之吃排家飯，初婚三日，夫婦不能同宿，須待送婚者將所贈

之衣物照價索值，名曰取娘錢以去後，乃成爲配偶。其俗處女外遇，父母不禁；若犯其妻妾，則舉刃相向，不稍寬恕。夫妻不睦，隨時可以脫離。如係男方主動，須給女方贍養之費，如係女方主動，則當與男方另娶之資；經憑中證，立字毀婚，不必經法庭正式手續。今所謂結婚離婚絕對自由者，苗族行之久矣。喪葬之禮，古無衣衾棺槨之殮，衰麻絰帶之服，人死以筭卜之，隨其所卜之地，掘窟三四尺，鑲以木板，置尸其中，以土封之。後三日，割牲覆墓，邀親戚食飲；初喪之日，家人哭泣，親友各以土物弔之，主人則椎牛設飲，謂之送哭；今則多採漢制，幾無區別。其服飾，則男衣滿襟青藍布衣，頭纏青，白，花帕，手帶銀釧，腰束以帶，頸環項圈，跣足髭鬚，狀頗雄武；其婦人耳垂銀環，辮髮盤頭，外裹大帕，項圈手釧，重疊佩戴，有重

至數十兩者，衣較男子稍長，斜領直上，富者扣紐均以銀製，衣袴裙鞋之週緣，刺繡花卉，深合圖案，紅綠輝映，鮮豔可觀。女子未嫁者，額髮中分，示與婦別也。

八 苗族之技擊及醫藥

苗族犷悍，著自古昔，被迫南遷，實不獲已，舍中原之故居，而入山巒瘴癘之地，爲自衛計，爲適合環境計，於技擊醫藥二端，當各有其特長。今試簡略言之：凡苗族富厚之家，對於國術，常延專師以課其子弟，貧者必聯合釀金以爲之，拳術，刀棍，梭標，擋鈔，鋼叉，鐵鎗，諸項，逐一習之，農暇輒以鳥銃獵取禽獸，每射必獲，能跨怒馬，奔馳峻阪，以故身體堅強，力敵數人，男者負百斤以上，越山履險，疾如奔馬，女者赤足天成，負重任勞，不亞男子，產後能飲冷水，

藉使汚血速清，其身體之健強可知也。病者常請巫師祈禱，畫符水以祛鬼怪，間亦有以藥療者，其藥皆採自附近山谷，名色詭異，非方書所載，謂之草藥，或吞或敷，奏效甚捷，往往有槍傷刀砍，痛不可支，一經化水，血痛立止，腫脹漸消，不數日而愈者，亦奇事也。

九 苗族之政治及教育

苗族智識幼稚，幾無政治組織。然聚族而居，不免外族侵陵，於是孔武有力者，羣戴而爲之長，受制土司。清初改土歸流，乃設官直接以轄之。嘉慶苗亂平，更於鳳，乾，綏，保，古五縣，先後共設苗守備三十二員，千總六十五員，把總一百二十六員，外委二百六十三員，苗兵五千名，選苗族中優秀而明達者任之官，層遞約束，分管散苗。凡苗人格鬥竊盜口角，悉由緝拿調處。相沿日久，流弊漸生，今充斯

職者，多不興利除害，望我賢明政府，慎選而善馭之可也。又苗族向無文字，自無教育之可言。歸化後，率多慕化讀書，嘉慶時，辰沅永靖道傅鼐，乃於五縣苗巢中，分設義館七十，按館入苗鄉之淺深，年授谷十六石或二十四石不等，選品行端正文字清通之生童，充任館師，專課苗民子弟；另於每縣中，酌定新籍（苗民）附生名額，猶恐苗疆文風夤陋，與通省士子較藝，難於角勝，故請於鄉試中規定鳳乾永保四縣苗民，另編田字號，增加額外舉人一名，以示鼓勵，而堅其向上之心，從此苗民聲教日隆，舉人秀才輩出，而以知縣教諭之官於外者，頗不乏人。科舉廢，學校興，而苗民負笈於常，長，京，滬者，時有所聞。民十陳統領渠珍駐防保靖，整軍之暇，竭力提倡教育，除資送苗民優秀子弟遊學外，更於苗鄉中每鄉規定設立小學五所，已達學

齡之兒童，勸令就學，違者責其父兄。當時絃歌之聲，遍及苗疆，設非川黔軍兩次破壞，則漢苗同化工作，或告完成。年來黔省內戰不息，散槍敗卒，夥同苗匪蟻聚乾鳳綏毗連之松銅邊境，殺人越貨，無所不用其極，夕發黔境，朝掠楚民以歸。苗鄉學校，或因經費支絀，或因地方糜爛，相率停頓，富者遷徙一空，貧者流離失所，苗民之生計日蹙。今更逸居無教，設狡桀者蠱惑而利用之，挺而走險，其禍曷可勝言。溯自嘉慶以來，百餘年漢苗相安無事者，純賴傅重菴（名鼎）觀察經營計劃于前，凡三廳古保及接近苗疆之瀘麻相度險要，建立碉卡，安設營壘，計口屯田，分兵防苗，丁司耕守，兵專鵬勦，于是民安其業，兵足于食。更以官墾新墾官贖捐贖諸田，以爲獎賞祭祀興學育才養濟育嬰之費，教撫兼施，恩威并用，流風善政，卒以維持百年治

安。入民國又賴今三十四師陳師長渠珍苦心治理，念年坐鎮，緣陳氏生長鳳凰，出身湖南將弁學校，歷充四十九標隊官，及川邊大臣趙爾豐部下管帶。駐藏有年，頗著勛勞，鼎革歸來，充任湘西鎮守使田公鳳丹之參謀長及團長等職，民九田公倦勤，陳氏繼續其衆，時吾湘爲南北軍事上之焦點，陳氏不願內爭，首以保境息民爲職志，繼以自著良心論以訓其軍，勦匪撫民，竭盡心力，以故地方安寧，致有世外桃源之稱。民十四五兩年，川黔軍各以數萬之衆，不克摧毀陳氏者，乃軍民合作之效也。陳氏對於苗民一視同仁，凡有一技之長，靡不量才錄用，以是苗衆歸之，近以苗匪跳梁，邊區備受蹂躪，乃積極以謀補救之方，貧者資其財以復耕種，富者勸興學以廣教育，恐土匪之出沒無定，專遣軍農大隊常駐苗巢，實行開墾，兼資保衛，又慮苗民無組

織無訓練也，乃于五千苗兵中，調集三分之一，組織黑旗大隊，教以技擊及軍事常識，更番訓練，增其自衛能力，藉圖永久治安，是陳氏治理苗疆，可與傅鼐後先比美矣！

十 苗族之鬼神及娛樂

苗人亦爲信奉多神教之民族，凡天地日月風雲雷雨山川怪異，靡不尊之爲神，而畏鬼信巫，今昔無異，尤爲他族所罕見。人病則曰有鬼，延巫占之，或祭天地，或祀祖先，或椎牛，或接龍，或贖魂，或酬儺，咸以巫師一言以爲斷，虔誠叩許，擇期舉行。其祭祖先，須用自餵花頭花尾大獐猪一隻，又稍小者一隻，碗燒密蠟，（代香）杯盛以酒，巫師手搖銅鈴，口唸苗語，另置長約三尺之大竹筒（巫師素備爲做鬼必不可少之物）于一旁，擊之嗒然有聲，未幾宰大猪之左肘，置于篋

筐，筐之左右，各立男女一人，斯時衣長衫有衣領及蓄髮者，（暗指漢人）不能接近，且不能視，犯之謂驚其鬼，必勒償所費，復祭如前，筐內之肉，必遺之舅輩，家人及同姓均不能食，否則必爲猛獸所傷，屢試屢應，未敢稍犯。若遇暴病，則祭天王，（卽三王此地土神）宰大黑水牛一隻，取腑臟雜煮以祀神，肉則分給親友。祭太后（三王之母）不用牛而用豬，草紮茅人，張傘覆之，服飾胥如苗婦，蓋像其形而祭之，每歲於小暑前，由辰日起，巳日止，謂爲三王忌日，禁屠宰，忌釣獵，不衣赤，不作樂，稍不謹，則災異降臨，其虔誠如此。遇冤抑爭執，必告廟誓神，刺貓血滴酒中飲以盟心，謂之喫血。常有官不能判之案，一經喫血，遂卽了事，按三王廟僅於湘西及貴州有之，尤以乾州之鴉溪者爲最大而最靈效；但三王事蹟，傳說紛紜，有謂爲

漢時竹王三郎神者；有謂爲馬伏波昔乘白馬征苗，土人敬而祀之者；有謂爲靖州土人平苗有功者；爲謂爲南宋時鴉溪有楊姓處女浣於溪，有感而孕，生三子，依母爲姓，及長英武有神力，以三十六人殺苗九千，事聞於朝，天子召之，歸賜鳩酒行至桃源白馬渡，開釀飲之，均毒死，故苗人畏而敬之，以上諸說，概不足信，究竟三王係漢係苗，抑係土人，生於何時何地，莫由考證，要之其與苗族有深切關係，可以斷言；若謂爲平苗有功，苗民敬畏，而何於近代之傳龔，獨不敬畏乎？其接龍卽客民謝土之意，用白母猪花獐猪各一頭，小獐猪二頭，白雞一隻，堂中遍懸綵紙，巫師虔請五方之神，鼓鑼齊鳴，炮聲震天，親友來賀，必盛服從事，日當午，主婦戴銀質莪冠，（重數十兩，專爲接龍而戴）衣錦繡及百摺花裙，偕巫師赴井接龍，衆客隨之，主

人恭候門外，待其歸，以吉語與主婦互相問答，事畢，以硃砂與酒盛盃中，另以盃覆之，瘞於堂中，以安龍神，至椎牛誠爲苗族最大祀典，古時極爲盛行，自傅鼐嚴禁後，僅於邊遠饒裕之家行之。十月農畢，先以小獐猪二頭祭財神。十三日後，復以花頭花尾黃牯一頭祭大財神。然後以白黑水牯各一，黃牯一，自喂大母猪一，小猪二，擇日宰殺，約會親友鄉鄰，屆期男女畢至，少長咸集，結棚於寨外，主客皆盛服治容，鄭重將事，賓至互然炮以示賀意，祭時繫黃牯於花柱上，主人揖其舅而授以矛，舅還拜受之，揖四方後，舉矛刺牛，餘以序刺，旁一人持水隨所刺而潑，不使血淋于地，牛仆，視其首之所向以卜休咎，向其室，則談笑相慶，以鬼來歆，否則衆皆愀然不樂，苗巫鳴鑼誦咒，各敲鼓鳴金吹角掌號燒柴以祭。祭畢，以一腿遺先祭者，謂

之背腿，餘皆懸諸室內，另烹他牛，置酒款客，使男女美而善歌者，衣華服，戴折角巾，擊鼓爲戲，名曰跳猴兒鼓，其法一人執木棒擊鼓腰，男女各執短杵，左右旋繞，跳擊而歌，其名有美女梳頭，霸王舉鼎，古樹盤根，及挖耳等，舉手頓足，疾徐應節。今之歐西摩登跳舞，苗族行之數千年也。歌罷，男女雜坐，歡呼牛飲，戲謔嬉笑，無所不至！甚有相悅而爲桑中之行，亦不之禁，蓋樂甚則流於無禮耳。每逢廢曆正初，釀金玩龍，或耍獅子，疊方桌十餘張，高至數丈，最上則四脚朝空，舞獅子者，由卑而高，張頭縮脚，或俯或仰，或臥或興，諸態畢現，迴環上下，若履坦途，非精練國術者鮮能之，又或廣場建立鞦韆，四人或八人同在一軸上旋轉，實係娛樂而兼運動之法也。苗鄉除鑼鼓大號喇叭及笙外，無他特別樂器，故不贅述。

十一 苗鄉之景物及氣候

苗鄉山巒重疊，森林叢錯，水寒氣溼，煙霧迷濛，溫度常在攝氏六十六度左右，冬季有降至零下四度者，永綏之衛城，鳳凰之新寨，爲苗鄉中之高原，氣候尤爲特別；盛夏不覺炎熱，冬常積雪數尺，冷刺肌膚，故苗民終年裹頭，不去首帕，蓋不如是，不足以禦外界之山嵐瘴氣也。苗鄉之風景，足爲吾人注意者，爲鳳凰之大龍洞，乾城之小龍洞，景奇利溥，洵堪探索，按大小龍洞，位於鳳乾綏三縣之交，爲武水上源，相距二十餘里，高原之水，胥伏流由二洞而出，直瀉而下，聲若奔雷，居民敬畏，故以龍名之，數里之外，震耳欲聾，對山遠望，則見水花四濺，白霧迷濛，絕壁千尺，飛簾懸空，亦奇觀也。測其水源，高度均爲七百餘尺，每秒水流之量，爲一百立方尺，乃吾國有數

之大瀑布，苟善利用以發電流，可抵數十萬匹馬力。政府能注意而發展之，則苗民生活實業，咸利賴無窮。他如永綏之石欄杆，岩柱矗立，直入雲霄，數多形怪，宛如一疇竹林；乾城之天門山，峭壁千丈，羊腸蜿蜒，有類蜀道；乃因交通梗阻，湘中瑞士，乏人遊歷，遂致湮沒不彰，誠可慨矣！苗鄉產物，動物除普通家禽家畜外，頗多野產，如鳥類中之鶉鷓，雉雞，寒雞，斑鳩，獸類中之烏雞，白狗，毛兔，野狗，及虎豹豺狼之屬，植物有稻，麥，菽，蕎，高粱，玉蜀黍，番薯，松，柏，杉，櫟，漆，樟等，鑛產以永綏之鉛，鳳凰之硃砂，水銀，爲最著名，而天門山山峒之硝土，可以肥田，每至夏季，乾鳳綏農民前往採掘者，絡繹於途，亦堪稱爲湘中之智利硝也。

十二 清季乾嘉間苗變之始末

我國自東漢以來，對於苗人，純採羈縻政策，該族素乏國家思想，且無政治能力，據西南荒瘠之區，恃山水險阻以爲固，人稀地廣，饑寒無虞，故步自封，無志競進，故得相安無事者，亘二千年。洎乎明季，苗亂始萌，及於乾嘉，卒成燎原之禍，豈苗人好亂成性，抑別有原因在耶？考明季鳳凰原爲五寨司，與篁子坪長官司均隸保靖宣慰使。鎮溪千戶所，則隸於永順宣慰使，司使各職，咸擇土人夙有智勇爲苗蠻所信服者任之。迨後襲職者恣睢暴戾，苗民不堪其擾，邊患以興，清自入主中國，削平三藩，統一宇內，對於苗族，經營不遺餘力，設治置官，分兵戍守，急欲限制苗族勢力發展。時永綏舊城孤縣苗巢（今永綏衛城），城外土地，胥爲苗有，不肖客民，重利盤剝，或以物易地，附郭原野，客民佔據日廣，該族生齒日益繁殖，生活愈趨困頓。

，官吏不加撫綏，反多方壓迫肢削，於是桀驁者，倡言逐客民，復故地。乾隆五十九年，畝血於鴨保寨吳隴登家，適松桃大寨苗石柳鄧妖煽其黨，銅仁知府會營弁捕之，遁入楚境，遂糾衆攻陷大塘汛，焚掠松桃正大營，正月十八日，永綏黃瓜寨苗石三保，焚掠永綏鴨堡汛，副將伊薩納，同知彭鳳堯，率兵六百前往捕剿，鎮筵總兵明安圖，亦領兵軍於新寨以防亂，廿一日，往會永綏兵於鴉西汛，是夜三保等集衆萬餘，圍鴉西寨，焚民居，鳳凰鴉保寨苗吳隴登，蘇麻寨苗吳半生，乾城平隆苗吳八月，同時蠢動，清軍藥盡援絕，二十三日伊薩納等被戕於永綏之排打扣，苗衆遂圍綏城，攻鎮筵，次日乾州三岔坪苗吳廷舉，亦率衆陷乾州，同知宋如椿，巡檢江瑤死之。旋出瀘溪，燒浦市，遠及麻陽永順等縣，秀山苗聞訊，亦傾巢出攻石隄等處，清廷聞

警，二月急命雲貴總督福康安，率雲南總兵花連布，（後陞提督）督兵征討，四川總督和琳，率提督穆克登阿，總兵袁國璜等統兵會剿，領侍衛額勒登保德楞泰參贊軍務，閏二月師會松桃，破石柳鄧於大寨，燬其巢，留貴州提督彭廷棟駐正大營，乃合兵入湖南，三月總兵花連布，湖南提督劉君輔，宜昌總兵張廷彥，會攻永綏之花園，隆團，鴨堡汎，解永綏圍。四月大營分五路會攻黃瓜寨，蘇麻寨等處，破之，石三保吳半生遁走。適湖廣總督調任兩江總督福甯，欲疏通鎮筧糧道，率兵由狗扒岩進，苗衆扼險敗之。比時湖廣總督畢沅，駐劄辰州，專理軍儲餉糈，聞兵潰，苦不能救，五月劉君輔兵敗於永綏鴨堡汎，退守隆團，綏城復被圍。同時苗衆猛撲鎮筧城，清廷乃增調四川將軍觀成，荊州將軍公興肇，各率兵至鎮筧，與永州總兵蘇靈協力擊却之。

。七月大兵與苗衆激戰於大烏巢河，九月隨營知縣傅彙，生擒苗日龍、喬六龍八會於馬鞍山斬之，旋合攻高斗寨，擒苗首吳半生獻俘京師。十月克大天星寨，攻鴨保，首苗吳隴登降，並誘擒吳八月以獻，八月其子延禮延義益糾衆肆擾，自十二月至嘉慶元年四月，鏖戰於鳳凰之椽木營，火麻營等處，磔吳八月於軍，續調兩廣雲南四川兵六萬前來協勤，五月貝子福康安卒於軍，和琳督領其衆，提督劉君輔誘擒石三保於均溪，獻京師，六月和琳親統大軍，連破馬鞍山，尖雲山，黃連坡，田頭冲，至三礮臺，盡燬乾州城外木城石卡，移師入城。八月大軍由乾州攻平隆，激戰於強虎哨，旋破麻里灣，墨斗溪，天塘鋪等地，同時總兵袁國璜於北路之花園擒石柳鄧之黨羽石代噶，解軍磔示，是月和琳卒於軍，領侍衛內大臣額勒登保代總軍務。九月大軍以次攻

克黃土坡，杏口洞等處，進營大壩角，北路駐永綏提督穆克登阿攻勦永綏附近之補林，洞口各寨，斬苗首龍三章石老寨等，駐兵隆團，總兵袁國璜擒苗目石必文送大營斬之。十月欽差廣州將軍明亮，新授湖廣提督鄂輝，同來苗疆，分兵五路會攻平隆，破之，焚吳八月廬舍，戮其子廷禮之屍。是月提督穆克登阿勦破蜡夷苗寨，擒斬頗多，永綏六七里苗寨均降，未幾復破田家坡，打子坡，岩板，銅木，知耳等苗寨，總兵蘇靈，張廷彥，擒癡苗石八月石七月，李二劉七官等解營磔之，苗勢漸衰。十二月初三日，大軍攻克貴魚坡，兩叉灣等險要，初五日，額勒登保等分兵四路會攻石隆，其地接平隆後山，山勢險峻，鳥道紆迴，寨落棋布，實爲首亂者之巢穴。經額勒登保領綸布春等督兵從坡下仰攻於前，明亮由兩叉灣繞出猛擊於後，大破之，陣斬苗首

石柳鄧。生擒其養子老喬，斃其黨羽無算。是月吳隴登復擒石三保幼子老宜，吳八月之姪廷梁復縛八月之次子廷義石柳鄧之子老貫老二石三保之子滿宜老有以獻。二年二月，分兵勦攻散苗疏通乾綏道路，三月苗亂底定，大軍撤移。是役起自乾隆乙卯，迄嘉慶丁巳，清廷傾七省之兵十餘萬以討之，大小百餘戰，死亡相枕藉。考其禍之起因，不在苗而在爲虎作倀之清廷官吏，重施壓迫以激成之。漢苗同受其害，苗衆原無仇漢之心，因憤清廷之暴而間接及於漢人之爲清廷爪牙者，余此次道經鴨保寨，鄉老舉先輩傳說以相告：謂「吳隴登當起事之日，不徒不加害漢人，且特別保護」。故鴨保寨至今成爲苗漢樞紐，繁盛市場。又據苗防備覽所載：「當時百戶百端苛索，苗民不堪其苦，乃羣起倡亂」，書曰：「撫我則后，虐我則仇」。由此觀之，石柳鄧

石三保吳八月吳半生等，純爲自救以抗滿清亂命，死亦榮也。百餘年來，國人懾於專制淫威，諱不敢言，致以苗逆目之，豈不冤哉！今也滿清餘孽，竊據東北，甘作倭奴傀儡，死灰復燃，禍亂方殷，吾人倘不急起圖之，則嘉定楊州之屠殺，事實俱在，抑不知苗族中，尙有如石柳鄧等與吾人共起以撲滅者乎？

結論

苗族者，中國之主人，世界最古之民族也。觀其上古時代之發明，實大有功於中國，苟以崇德報功之典論之，其位置當在滿蒙回藏諸族之上，乃於清季則以卑下奴隸之民族目之。鼎革以還，號曰共和，而苗族又不得廁於五族之列，所謂民族平等者，果如是乎？今僞滿建國東北，甘作倭奴傀儡，西藏僻處西南，附英引狼入室，內蒙高倡自治，

回疆變亂紛乘，塞上敵騎，縱橫自若，漠北千里，名存實亡，強鄰各謀鯨吞中國以自肥，五族已兆分崩離析之現象，獨爲人擯棄落伍之苗族而能與漢族休戚與共，親若弟兄，此豈意料所及哉？愚意共和之上，冠以種族，範圍甚隘，殊不適當，中國固不止五族，舍苗而外，尙有他種，卽以人口多者爲代表，而苗亦不亞於滿，僅以五族稱之，反足以亂國民之心志；譬諸家庭焉，有子六人，末者尙在襁褓中，人間有子若干，必當以六子應之，不能以其稚而不與於數焉。又若長者均成立授室，各藉外援以求分爨，惟襁褓者安閒無擾，時以笑顏相承，而家庭間可不厚遇之乎？秉政諸公，日爲權利意氣之爭，爭城爭地以戰，對於民族之團結，情感之融和，畛域之消泯，以及籌邊固圉雪恥圖強諸端，從未計及，本朽蛀生，授外人挑撥利用之機，致釀目前之

亂，不但失地不能恢復，不平等條約未能廢棄，近且版圖日削，隱患四伏。倘不步後懲前，急圖補救，幾何其不爲印度朝鮮之續？夫苗族既無負於中國，且僻居西南林谷，勤儉力作，守法奉公，可稱良民，近以天災人禍，交相逼迫，農村經濟宣告破產，自給自足之家，百無二三，糧無隔宿者，比比皆是，苗族之整個生活問題，已瀕險境；孟子曰：『無恆產而有恆心者，惟士爲能』語云：『衣食足而後禮義興』。今苗族無衣，無食，無教，責其循規蹈矩，勉爲順民，豈可能乎？爲未雨綢繆，防患未萌計，特就管見所及，草擬發展苗族辦法於後，甚盼黨政諸公，教育當局，一注意焉。

1. 建築苗疆碉堡——湘黔邊境，爲苗族棲息之所，其中萬山叢錯，道路崎嶇，民俗獷悍，匪盜猖獗，大兵清剿，此擊彼竄，澈底肅清，

殊非易易。溯自清代苗亂勘定以後，傅鼐于苗疆各屬要害，建築碉堡，分兵駐守，百餘年來，相安無事，惟今昔情勢不同，地形之夷險亦因之變遷，昔日以防苗爲主要，今日以安苗爲急務，欲求苗民安定，當師傅鼐陳法，於苗巢大寨，擇要建築堡壘，平日各安生業，有警足資捍衛，庶免遷徙奔避，致失生業，卽無重兵鎮攝，而衆志成城，亦可安如磐石。

2. 調節苗族經濟——苗族生活，純賴農業，第以所處區域山多田少，土質瘠瘠，終歲辛勤，不獲一飽。最近外界經濟勢力，侵及苗疆，苗族生活益形困難。此次考察所到之地，村寨凋敝，不堪入目，苗民窮蹙，無力自救，長此不圖，卽良懦者日削月剝，勢必輾轉溝壑，成爲餓殍，狡黠者，呼羣引類，難免不挺而走險，是則苗族經濟

之調節，實爲目前切要工作。至進行步驟；第一應組織苗族農村銀行，調查苗民之無力耕種者，實行信用借款，俾苗民不受高利貸之盤剝。其次組織生產消費合作社，以團體力量，抵制外來經濟勢力之壓迫。經濟充裕以後，關於農業之改良，鑛產之開發，交通之建設，森林之培植，均可按步實行。

3. 發展苗族文化——苗族僻處萬山之中，交通梗阻，知識錮蔽，向無文化可言。清代苗亂平息後，始設官興學，當時文化逐日進展，絃誦之聲，幾遍苗疆。但昔日讀書識字者，僅限於少數富苗，多數貧苦者，仍屬懵懵昧昧。民國以還，各苗區學校，雖經陳統領一度提倡，設置甚多。近因經費不充，或因地方不靖，相率停頓，存者亦不過形式而已。茲宜切實調查苗區學齡兒童，就其需要，籌備的款

，將已有之學校，逐一而恢復之，應增之學校，分年而建築舉辦之，已達學齡之兒童，限令就學，違者罰其父兄，青年可造者，由政府酌量津貼，資送國內外專門大學，以期深造，似此生聚教養，十年之後，苗族文化，當不難與漢族并駕齊驅矣。

4. 獎勵漢苗通婚——自黃帝征蚩尤，迄今已四千餘年，漢苗界限，仍未泯滅，其所以形成此界限者；固由於血統語言風俗宗教之不同，抑由我漢族未盡兄長之義務。今欲合漢苗爲一家，必須提倡漢苗互通婚姻，非若現時漢人娶苗，而不嫁苗之單方面通婚可能成功也。

以上所陳，僅舉其犖犖大者，倘能逐一行之，則風俗之改移，語言之更易，服飾之變換，均當迎刃而解，鄙見如斯，未知當否？

深望有志改良苗族者，勿吝教而指正焉。

湘西苗民文化經濟建設方案

竊維乾鳳綏古保五縣，位極湘西，毗連黔蜀，民苗雜處，風俗强悍，古稱難治。清乾嘉間，湘黔邊區苗首石柳鄧石三保吳隴登吳八月等勾結倡亂，卒至兵傾七省，時逾三載，方克底定。經辰沅道台，傅公鼐爲策久安計；乃倡議均田，屯勇，奏設制兵萬三千人，置辰沅永靖道於鳳凰，復於本區內，另設二鎮，二協統，綠營又萬餘人，松桃銅仁方面，亦各置一協，額定相當兵力，環苗九百餘里，碉堡星羅，爲數逾千，布署周密，防範綦嚴。然以威服人，不若以德之服人深也。乃撥給屯租，廣立書院及屯苗義學，以啓苗智，淳苗心，設養濟院，育嬰堂以養苗老，慈苗幼，保護城堡也，則有歲修費，鼓勵士生也，則

有試資，興義烈祠，以獎忠節，恤老幼丁，以紀勳勤，奏設邊田字號，以優遇苗邊士子，教養兼施，尤屬完備，施行以來，漢苗相安無事者，垂百餘年。迄於遜清末葉，法久弊生，鼎革以還，變亂相尋，地僻邊遠，政府益無暇顧及，苗民勤儉誠樸，性富保守，鮮有競進，狡桀漢苗，相互勾結，利其愚懦，輒壓迫而朘削之，相沿成習，齟齬日深。因是，富苗計出自衛，貧苗挺而走險，結黨持械，恣意焚掠，循環報復，邊陲幾無寧日。加之湘黔地勢犬牙交錯，匪衆聲氣相通，匿竄靡定，勦辦非易，熒熒之火，勢將燎原，乾嘉故轍可爲殷鑒。丁此國勢阽危，救亡圖存，首重安內，不謀急治，禍將胡底！

鈞座關懷岩疆，憫念苗族，力謀解放，以期同躋平等。宏規等世處邊區，洞悉苗情，此次奉

召晉省，飭擬改革計劃，爰就管見所及；謹貢芻蕘，倘蒙採納施行，不惟苗民同沾德化！國家前途，利賴實深，是否有當？伏乞鈞裁。

甲 關於治安事項

- 一，選派熟悉邊區地勢民情之部隊，採用勦撫兼施辦法。
- 二，優卹苗族耆老，扶植苗鄉正氣，使地方正紳勇於從公。
- 三，擇要構築碉堡，以資防守。
- 四，嚴密保甲組織，實行十家連坐法。
- 五，黔東湘西有苗各縣駐軍，應統一指揮，以免彼勦此竄，互相推諉。

六，擇要重劃有苗各縣交錯經界，以便管轄，而利政治推進。

七，延長義勇槍兵隊期限，以利清剿。

八，嚴懲匪魁，沒收匪產，脅從准具切結自新。

九，繼續清查私槍，實行登記烙印。

十，嚴禁苗疆駐軍，滋擾苗民。

十一，嚴懲壓迫苗民之漢苗土劣。

十二，選派黨務幹員，協同苗族正紳，深入苗鄉實行民衆訓練。

乙 關於教育事項

一，增設苗區完全小學。

二，提倡苗民生產教育。

三，創辦師資訓練班，招收苗疆優秀份子，及熟悉苗疆之學生，施以相當訓練。

四，省立中等以上學校，酌設苗疆免費學額。

五，酌設教育巡迴指導員，巡視苗疆教育。

六，有苗各縣小學，廣收苗族子弟。

七，增設苗鄉短期小學及民衆班，並附設問字處，代書處，壁報處。

八，改良苗鄉私塾。

九，獎勵苗民子弟入學。

丙 關於建設事項

一，撥發貸款，擇苗疆實際需要，指導組設合作社，或辦農民低利貸。

二，改進苗鄉農作。

三，提倡苗民固有工業。

四，開發苗鄉鑛產。

五，修築鄉村道路。

六，興辦苗鄉水利。

七，改進苗鄉牧畜事業。

八，獎勵苗鄉植桐造林植棉種麻墾荒。

九，嚴禁盜伐苗鄉農林，及縱火燒山。

十，組設農事諮詢處。

丁，關於待遇事項

一，破除漢苗界限，實行漢苗通婚。

二，由政府儘量介紹中學以上畢業之苗民，深入社會工作。

- 三，禁止漢人壓迫苗民。
- 四，禁止收買或拐買苗族子女。
- 五，嚴禁蓄養苗婢。
- 六，酌減苗民過重屯租，及水冲砂壓荒蕪者之租額。
- 七，劃定苗區各縣引鹽，照極邊岸待遇，減輕苗民鹽稅。
- 八，組設苗民失業收容所，及養濟院。

戊 關於改良事項

- 一，勸導苗族廢止椎牛椎豬等祭。
- 二，勸導苗族改習漢語。
- 三，勸導苗族廢止婚喪不良惡習。
- 四，勸導苗族廢除不正當娛樂。

總上各項：宏規等謹撮當急之務，推行較易之犖犖大者而言。其他事項；要在因地制宜，隨時利導，務期事半功倍，克底於成也。

右方案謹呈

湖南省政府主席何

湖南第三區行政督察專員公署秘書

石宏規

鳳凰縣教育局局長

劉佛林

乾鳳綏古保苗族代表

石啓貴

龍達三

龍輯五

附註：二十五年七月三日，湖南省政府委員會第六百七十一大常會，報告事項；第十六條，本府各廳處報告：會同審查湘西苗民文化

經濟建設計劃方案；乞核議，議決通過，交湘西苗防屯務處主辦，並由義務教育經費項下，撥銀三萬元辦理苗疆義務教育，及師資訓練，在合作經費項下，撥銀五千元辦理，苗疆低利貸，餘由本府各廳處，斟酌緩急辦理。

本 書 正 誤 表

第 頁 行 字	誤	正
第二頁第三行第四字	日	日
第十頁第一行第九字	水	果
第十六頁第十一行第十九字	鷄	鴨
第二十四頁第九行第十八字	密	蜜
第二十六頁第二行第十三字	為	有
第三十一頁第三行第二十二字	泊	泊
第三十二頁第六行第二十字	西	酉
第三十二頁第七行第六字	西	酉
第三十四頁第四行第三字	延	廷
第三十四頁第四行第五字	延	廷
第三十八頁第十一行第九字	本	木
第四十三頁第六行第十三四五字	二協統	二協統
第四十九頁第二行第七字	買	賣
第五十一頁第三行第十二三四字	元辦理	元辦理

民國廿五年七月重版

湘西苗族考察紀要

〔每册定價四角〕

版權

所有

翻印

必究

編著者 石宏規

校訂者 劉佛林


發行者 石宏規

▼長沙清泰街

印刷者 飛熊印務公司

代售處 各大書局

中華民國廿六年六月九日



印文

793



26